

---

**INTERNAL MEMORANDUM**

---

**To : Director General**

**Through : - Division Manager/ Energy competition**

- **Ag. Technical Division Manager /Energy**

**From : - Senior Engineer Energy Transmission**

- **Legal Officer**

**Date : 26/03/2025**

Dear Sir,

**SUBJECT: Transmission of the response letter to the High court of Rwanda**

Reference is made to the letter Ref No: 54/PHC/2025 dated 13/03/2025 from the High Court of Rwanda requesting RURA to delegate an expert in electrical installation in premises who will provide technical expertise in order to make a legal decision in the court case N° RCA 00439/2023/HC/KIG;

Considering that Prime Minister's Instructions No: 001/03 of 11/7/2014 relating to fire prevention in Rwanda require that all electrical installation practitioners must be registered and certified by the service in charge of regulating electricity (RURA);

We hereby transmit to you for consideration and signature the response letter advising the High Court of Rwanda to consult professionals who have valid electrical installation permits issued by RURA as the certified experts to provide certificates of compliance for electrical installation in premises whereby the updated list is available on [https://rura.rw/fileadmin/Documents/Energy/Statistics/List\\_of\\_Electrical\\_Installations\\_Permit\\_Holders\\_as\\_of\\_February\\_2025.pdf](https://rura.rw/fileadmin/Documents/Energy/Statistics/List_of_Electrical_Installations_Permit_Holders_as_of_February_2025.pdf)

Regards,

**Perezida w'Urukiko Rukuru**  
**P.O Box: 101 KIGALI**  
**Kigali – Rwanda**

Bwana Perezida w'Urukiko Rukuru,

**Impamvu: Gusubiza ibaruwa yanyu isaba ubugenzuzi bw'impuguke**

Dushingiye ku ibaruwa yanyu yo ku wa 13/03/2025 mwandikiye Urwego Ngenzuramikorere-(RURA) musaba ubugenzuzi bw' impuguke mu bijyanye n'amashanyarazi;

Dushingiye kandi ku Mabwiriza ya Ministiri w' Intebe №: 001/03/ yo ku wa 11/7/2014 yerekerye no gukumira inkongi z' umuriro mu Rwanda, cyane cyane mu ngingo yayo ya 9, iteganya ko "Abanyamwuga bose bashyira umuriro w'amashanyarazi mu nyubako n' ahanda hantu hahurira abantu bensi bagomba kuba banditse kandi babifitiye icyemezo gitangwa n'urwego rufite kugenzura umuriro w'amashanyarazi mu nshingano zarwo";

Urwego Ngenzuramikorere (RURA) rurabamenyesha ko rutanga impushya ku byiciro bitandukanye zo gukora umurimo wo gushyira umuriro mu nyubako (Electrical installation permits), nk'uko biteganywa n'Amabwiriza № 002/EL/ENERGY/RURA/2012 yo ku wa 04 Ukwakira 2012 agenga ishyirwa ry'umuriro mu nyubako (Regulations 002/EL/ENERGY/RURA/2012 OF 04<sup>th</sup> October 2012 on electrical installations), kandi abafite izi impushya bakaba bashobora kwifashishwa nk'impuguke.

Bityo, Urwego Ngenzuramikorere ruratanga inama y'uko mu gukora ubugenzuzi ku cyateye inkongi y' umuriro muri iyo nyubako, **hakwifashishwa umwe cg itsinda ry'Impuguke mu bahawe impushya zo gushyira umuriro w' amashanyarazi mu nyubako, ziri mu byiciro B, C cyangwa Z**, kandi zigifite agaciro, kuko zemerewe gukora ubugenzuzi ku ishyirwa ry' umuriro w'amashanyarazi mu nyubako zitandukanye n' indi mirimo yose ijyanye n'ikwirakwizwa ry'amashanyarazi. Urutonde rwabo ruboneka ku rubuga rwa RURA:  
<https://rura.rw/fileadmin/Documents/Energy/Statistics>List of Electrical Installations Permit Holders as of February 2025 .pdf>

Mugire Amahoro,



RUGIGANA Evariste

Umuyobozi Mukuru





Repubulika y'u Rwanda  
\_\_\_\_\_  
Ubutegetsi bw'Ubucamanza

Kigali, ku wa 13/03/2025  
Ref N°: 54/PHC/2025

URUKIKO RUKURU  
B.P.101 KIGALI

Bwana Umuyobozi w'Ikigo cy'Ighugu gishinzwe  
kugenzura imirimo imwe n'imwe ifitiye ighugu akamaro (RURA)  
KIGALI

**Impamvu:** Gusaba ubugenzuzi bw'impuguke.

Bwana Muyobozi,

Mu rwego rwo kugira ngo hatangwe ubutabera mu rubanza n° RCA 00439/2023/HC/KIG HARERIMANA Maurice aburana na PRIME INSURANCE COMPANY Ltd (yishingiye inkongi y'umurimo ituruka ku bikorwa bya EUCL), asaba indishyi zishingiye ku nzu ye yatwitswe n'umurimo ku itariki ya 12/08/2020, bikaba bigaragara ko nyuma y'uko iyi nzu ihiye n'ibyari biyirimo byose nta genzura ryimbitse ryakozwe rigaragaza intandaro y'iyi nkongi y'umuriro;

Tubandikiye tubasaba kugena impuguke yo muri RURA izasuzuma dosiye yose yakozwe ijyanye n'uburyo inzu ya HARERIMANA Maurice, iherereye mu Mudugudu wa Nyenyeri, mu Kagari ka Kabeza, mu Murenge wa Kanombe, Akarere ka Kicukiro yatwitswe n'umurimo ku wa 12/08/2020. Iyo mpuguke yazaganira n'ababifiteho amakuru bose, igakora raporo igaragaza impamvu yatumye iyo nzu ishya.

Ku mugereka w'iyi baruwa, murahasanga icyemezo cy'Urukiko gisaba iyo mpuguke.

Turabasaba kugeza ku Rukiko Rukuru raporo y'ubugenzuzi bw'impuguke ya RURA mu gihe kitarenze iminsi mirongo itandatu (60) kibarwa guhera uyu munsi.

A handwritten signature in black ink, appearing to read "Rukiko Rukuru".

Turabasaba kugeza ku Rukiko Rukuru rapor y'ubugenzuzi bw'impugu ke ya RURA mu gihe kitarenze iminsi mirongo itandatu (60) kibarwa guhera uyu munsi.

Tubashimiye ubufatanye mu gutanga ubutabera

HABABARUREMA Jean Pierre  
Perezida w'Urukiko Rukuru

P.D. 6

*Kanzyire*

KANZAYIRE Bernadette  
Vice-President of the High Court



8qpq8p8p8

URUKIKO RUKURU RURI I KIGALI KU CYICARO CYARWO RUBURANISHA IMANZA  
Z'IMBONEZAMUBANO KU RWEGO RW'UBUJURIRE RUKIJIJE **URUBANZA**  
**RUBANZIRIZA URUNDI MU RUBANZA N° RCA 00439/2023/HC/KIG NONE**  
KUWA 11/03/2025 MU BURYO BUKURIKIRA:

---

**HABURANA:**

HARERIMANA Maurice (wajuriye) mwene Rugomoka Pierre na Mukabaziga Bernadette, utuye mu Mudugudu wa Nyenyeri, Akagari ka Kabeza, Umurenge wa Kanombe, Akarere ka Kicukiro, Intara ya Umujyi wa Kigali, ufile Tel: +250788432145, E-mailmanzinesta@gmail.com; wunganirwa na Me Sylvain NYAMURANGWA Tel: +250788475652 na Me MBERA SEBAGABO Patrick.

Na

PRIME INSURANCE Company Ltd mu izina ry'uyihagarariye; ibarizwa mu Murenge wa Muhima, Akarere ka Nyarugenge, Umujyi wa Kigali; Telefoni +250788150100.

**IKIBURANWA:**

- Kwishyurwa agaciro k'umutungo wanje wangijwe n'inkongi y'umuriro yatewe n'amashanyarazi ya EUCL yishingiwe na PRIME INSURANCE COMPANY Ltd;
- Kwishyurwa indishyi z'akababaro zinyuranye zatewe no kundangarana n'igihombo cyabiturutseho;
- Indishyi zo gusiragira ku rubanza n'ikurikiranarubanza hamwe n'igihembo cya avoka.

**IKIREGERWA:** Kujuririra urubanza n° RC 00224/2022/TGI/NYGE rwaciwe n'Urukiko Rwisumbuye rwa Nyarugenge kuwa 10/11/2023.

## I. IMITERERE Y'URUBANZA

1. Tariki ya 12/08/2020, inzu ya HARERIMANA Maurice iherereye mu Mudugudu wa Nyeyeri, mu Kagari ka Kabeza, mu Murenge wa Kanombe, Akarere ka Kicukiro yatwitswe n'umurimo. Kuwa 19/08/2020, HARERIMANA Maurice yandikiye Energy Utility Corporation Limited (EUCL) ayimenesha ko iyi mpanuka yatewe n'insinga zayo asaba kurihwa umutungo we; EUCL nayo imusubiza imumenyesha ko ifite ubwishingizi muri PRIME INSURANCE Company Ltd, kandi ko dosiye ye yoherejweyo. Ku wa 06/10/2020, HARERIMANA Maurice yandikiye PRIME INSURANCE Company Ltd ayisaba kumuriha umutungo we wangijwe mu maguru mashya ugizwe n'inzu n'ibikoresho byari birimo.
2. Mu iburanisha ryo ku wa 17/10/2022 HARERIMANA Maurice yunganiwe na Me NYAMURANGWA Sylvain bavuze ko iperereza ryagaragaje ko inkongi yatewe na poto iriho urusinga rwazanaga umuriro mu nzu rwatewe nabi hanyuma uko umuyaga uje rukikuba kumureko w' inzu ari na byo byateje "circuit"; bakumva byaryozwa PRIME INSURANCE Company Ltd nk'uko indishyi basabye zisobanuwe mu mwanzuro bashyikirije urukiko.
3. PRIME INSURANCE Company Ltd yandikiye HARERERIMANA Maurice ku wa 02/10/2020 imumenyesha ko yakiriye ibaruwa ye ko ibyo yasabye bikirimo kwigwaho; kuwa 19/11/2020, yongera kumwandikira imusaba kuyishyikiriza raporo ya "Fire Brigade". Kuwa 21/10/2020, yamwandikiye kandi imumenyesha ko kugira ngo imenye ko ariyo izaryozwa indishyi ari uko hagomba gukorwa iperereza n'igenzura ry'imbise kugira ngo hamenyekane impamvu nyamukuru yateye impanuka; bityo ko mu gihe ibyo bitaraboneka yaba yihanganye maze akazamenyeshwa umwanzuro.

4. Me NZABIHIMANA Jean Claude uburanira PRIME INSURANCE Company Ltd yavuze ko batemera ubu buryozwe kuko urega avuga ko impanuka yatewe n'urusinga rwahoraga rwizunguza bigeraho ratera "circuit" kubera umuyaga, nyamara ibi bavuga nta bimenyetso babitangiye cyane ko uwo munsi nta n'umuyaga wabaye; ku bw'ibyo ibyo bavuga nta shingiro byahabwa kuko impamvu y'impanuka ntaho ihuriye n'urusinga.
5. Mu icibwa ry'urubanza n° RC 00224/2022/TGI/NYGE ryo ku wa 10/11/2023; urukiko Rwisumbuye rwa Nyarugenge rwemeje ko ikirego cyatanzwe na HARERIMANA Maurice nta shingiro gifite; ko indishyi HARERIMANA Maurice asaba guhabwa nta shingiro zifite; ko amafaranga y'ingwate y'amagarama yatanzwe ahwanye n'ibyakozwe mu rubanza.
6. HARERIMANA Maurice ntiyishimiye imikirize y'uru rubanza ijuririra uru Rukiko, ubujurire bwe bwandikwa kuri n° RCA 00439/2023/HC/KIG. Mu iburanisha ryo ku wa 21/01/2025, Me NYAMURANGWA Sylvain na Me MBERA SEBAGABO Patrick bahagarariye HARERIMANA Maurice; PRIME INSURANCE Company iburanirwa na Me UMUHOZA Beatrice.
7. Me NYAMURANGWA Sylvain na Me MBERA SEBAGABO Patrick baburanira HARERIMANA Maurice bavuze ko banenga icyemezo cy'urukiko rubanza kuko barushikirije ibimenyetso bihagiye byemeza ko inzu ya HARERIMANA Maurice yahiye bitewe n'amashanyarazi; mu gihe PRIME INSURANCE Company ivuga ko inzu yahiye ku mpamvu zidakomoka kuri aya mashanyarazi.
8. Muri uru rubanza hasuzumwe niba bikwiye ko hagenwa impuguke igomba kugena icyateye inkongi y'umuriro yatwitse inzu ya HARERIMANA Maurice.

**II. ISESENGURA RY'IKIBAZO KIGIZE URUBANZA**

- *Kumenya niba bikwiye impugu ke igomba kugena icyateye inkongi y'umuriro yatwitse inzu ya HARERIMANA Maurice.*
- 9.** Me NYAMURANGWA Sylvain na Me MBERA SEBAGABO Patrick baburanira HARERIMANA Maurice wajuriye bavuze ko banenga ko mu rubanza rujuririrwa umucamanza atashingiye ku bimenyetso bigaragarira buri wese batanze birimo raporo za "fire brigade" n'iy'inzego z'Ibanze bigaragaza ko inkongi y'umuriro yatwitse inzu y'uwo bunganira yavuye ku mashyanyarazi.
- 10.** Bavuze ko nubwo PRIME INSURANCE Company Ltd itemera izi raporo, yivuguruza aho ivuga ko uyu muriro ukomoka kuri Gaz yaturitse igatwika inzu, ahando ikavuga ko umuriro watewe n'imyubakire mibi y'insinga z'amashanyarazi muri iyi nzu (mauvaise installation), nyuma ikanasaba ko hakorwa irindi perereza ryimbitse kuko icyateje iyi nkongi kitamenyekanye.
- 11.** Bavuze ko umucamanza yavuze ko Ubushinjacyaha bwashyinguye dosiye kuko basanze ibigize icyaha bituzuye, bisobanuye ko EUCL idakwiye gukurikiranwaho icyaha cyo gutwika ikintu cyundi; nyamara ntabwo aribyo kuko na HARERIMANA Maurice atigeze arega ko EUCL yamukoreye icyaha, ahubwo yatanze ikirego cyimbonezamubano kigamije kurihisha ibye byangijwe n'umuriro wayo.
- 12.** Me UMUHOZA Beatrice uhagarariye PRIME INSURANCE Company Ltd mu yavuze ko ubujurire bwa HARERIMANA Maurice budafite ishingiro rumaze gusesengura no kumva ibisobanuro byatanzwe n'impande zombi ndetse n'ibimenyetso n'amategeko bishingirwaho kuko rwasanze ibigize icyaha bituzuye, bisobanuye ko icyaha cyo gutwika ikintu cyundi kidakwiye gukurikiranwaho EUCL rwemeza ko nubwo HARERIMANA Maurice yemeza ko inzu ye yatwitswe n'amashanyarazi yaturutse ku ipoto yirengazigiza ko we ubwe yasobanuye ko amashanyarazi yatwitse inzu yaturutse k'urusininga

rwaturukaga ku ipoto kuko rwahoraga rwikuba k'umureko uko umuyaga uje bituma haba court circuit yatwitse inzu, nubwo byaba ariko byagenze uretse ko nta kibyemeza rurasanga nabyo bitafatwa nk'amakosa ya EUCL kuko nawe ubwe yari afite inshingano yo kumenyekanisha icyo kibazo mbere y'uko icyo kibazo gitera inkongi.

13. Yavuze kandi ko urukiko rwasanze nta bimenyetso bigaragaza ko guturuka ku ipoto kugera kuri cash power haba harabaye ikibazo ku buryo byafatwa ko ikibazo kitaturutse mu nzu, kuko HARERIMANA Maurice atagaragaza uburyo umuriro wa EUCL wagiriye ikibazo ku ipoto hagashya inzu ye yonyine nkaho ariwe ufatira kuri poto wenyine. Bityo, ubujurire bwe bukaba butahabwa kuko atagaragaza ikimenyetso cyangwa amategeko urukiko rwirengagije mugihe bigaragara ko ibimenyetso byose urukiko rwisumbuye rwabisesenguye.

14. Yavuze ko mu gufata icyemezo urukiko rutigeze rwibanda ku ishingurwa rya dosiye y'Ubushinjacyaha ahubwo ko iki kimenyetso cyuzuzanyijwe n'ibindi byari bihari; ruza kwemeza ko ikirego cyatanzwe na HARERIMANA Maurice nta shingiro gifite, ndetse ko indishyi HARERIMANA Maurice asaba guhabwa nta shingiro zifite.

• *Uko urukiko rubibona*

15. Ingingo ya 61 n'izikurikiraho z'itegeko n° 062/2024 ryo ku wa 20/06/2024 rigenga ibimenyetso ziteganya uburyo hiyambazwa ibimenyetso by'impuguke n'uburyo bitangwa. Naho iningo za 15 (2), 21 na 22 z'Amabwiriza N° 001/2023 yo ku wa 25/01/2023 ya Perezida w'Urukiko rw'Ikirenga yerekeye abahaha bashyirwaho n'inkiko ziteganya uburyo abahaha bajyaho n'uburyo bishyurwa.

16. Urukiko rusanga, impaka muri uru rubanza zishingiye ahanini ku kumenya intandaro y'iyi nkongi y'umuriro watwitse inzu ya HARERIMANA Maurice mu gitondo cyo ku wa 12/08/2020; mu gihe urega avuga ko inzu ye yatwitswe n'amashanyarazi nk'uko raporo za "fire brigade" n'iy'inzego z'lbanze zibigaragaza;

PRIME INSURANCE Company Ltd ikavuga ko inzu yahiye bidaturutse ku mashanyarazi nk'uko raporo y'uwitwa Harerimana Charles wiswe impuguke ibigaragaza; bigaragara ariko ko nta genzura ryimbitse ryakozwe kuri iki kibazo.

17. Hagendewe ku ngingo zigaragajwe haruguru, rusanga ari ngombwa ko impuguke yo muri Rwanda Utilities Regulator Authority (RURA) isuzuma dosiye yose yakozwe ijyanye n'uburyo inzu ya HARERIMANA Maurice iherereye mu Mudugudu wa Nyeyeri, mu Kagari ka Kabeza, mu Murenge wa Kanombe, Akarere ka Kicukiro yatwitswe n'umurimo ku wa 12/08/2020; iganira n'abashobora kuba babifiteho amakuru, ireba imiterere inzu y'aho yari yubatse, igakora raporo igaragaza impamvu yatumye iy'inzu itwikwa n'umurimo nubwo rutirengagiza igihe giciyemo iki kibazo kibayeho; iyi raporo ikazaba yashyikirijwe urukiko bitarenze iminsi 60 uhereye uyu munsi; ibihembo bye bikazishyurwa by'agateganyo n'ababuranyi bombi, umwanzuro wa burundu kuri iki gihembo ukazafatwa nyuma y'icibwa ry'urubanza, kandi ababuranyi bakazorohereza impuguke kubona amakuru yoseakanewe kugirango asohoze neza ubutumwa ahawe.

### III. ICYEMEZO CY'URUKIKO

18. Rwemeje ko:

- Impuguke yo muri RURA isuzuma dosiye yose yakozwe ijyanye n'uburyo inzu ya HARERIMANA Maurice iherereye mu Mudugudu wa Nyeyeri, mu Kagari ka Kabeza, mu Murenge wa Kanombe, Akarere ka Kicukiro yatwitswe n'umurimo ku wa 12/08/2020, iganira n'ababifiteho amakuru bose, igakora raporo igaragaza impamvu yatumye iy'inzu ishya.
- Iyi raporo izashyikirizwa urukiko bitarenze iminsi 60 uhereye uyu munsi;

- Ibihembo by'impuguke bizishyurwa by'agateganyo n'ababuranyi bombi; umwanzuro wa burundu kuri iki gihembo ukazafatwa nyuma y'icibwa ry'urubanza;
- Ababuranyi borohereza impuguke kubona amakuru yose akanewe kugirango asohoze neza ubutumwa ahawe.

**NI UKO RUKIJIJWE KANDI RUSOMEWE MU RUHAME NONE KU WA 11/03/2025.**

**INTEKO:**

Sé/

KANYEGERI N. Timothée  
**Umucamanza**

Sé/

SEKIMONYO UWIZERA Charlotte  
**Umwanditsi**